



Veza broj: 01,02-1-2679/25

Sarajevo, 5. 1. 2026.

Na osnovu člana 114. stav (4) Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23 i 87/23, 50/24, 73/24 i 56/25) i Zaključka s 36. hitne sjednice Predstavničkog doma Parlamentarne skupštine BiH, održane 22. 12. 2025, Ustavnopravna komisija Predstavničkog doma Parlamentarne skupštine BiH upućuje

POZIV ZA JAVNU RASPRAVU

o Prijedlogu zakona o Visokom sudskom i tužilačkom vijeću Bosne i Hercegovine

Javna rasprava bit će održana u srijedu, 21. januara 2026. godine, u zgradi Parlamentarne skupštine BiH, Trg BiH br. 1, Sarajevo, u Bijeloj sali (drugi sprat), s početkom u 12 sati.

Poštovani,

Predstavnički dom Parlamentarne skupštine BiH je na 36. hitnoj sjednici, održanoj 22. 12. 2025, usvojio Prijedlog zakona o Visokom sudskom i tužilačkom vijeću Bosne i Hercegovine, broj: 01-02-1-2679/25 od 12. 12. 2025, čiji su predlagači poslanici: Darko Babalj, Branislav Borenović, Mira Pekić, Nenad Grković i Mladen Bosić koji se razmatra po skraćenom zakonodavnom postupku.

Predstavnički dom Parlamentarne skupštine BiH je na 36. hitnoj sjednici, održanoj 22. 12. 2025, usvojio i sljedeći

ZAKLJUČAK

“Na osnovu člana 112. stav (5) Poslovnika Predstavničkog doma PSBiH, Predstavnički dom zadužuje Ustavnopravnu komisiju da u roku od 30 dana provede javnu raspravu o Prijedlogu zakona. U javnoj raspravi o Prijedlogu zakona Ustavnopravna komisija tražit će mišljenja od Evropske komisije za demokratiju kroz pravo - Venecijanska komisija, Visokog sudskog i tužilačkog vijeća BiH, te relevantnih udruženja sudija i tužilaca u Bosni i Hercegovini.

Navedena mišljenja bit će sastavni dio i prilog izvještaju o rezultatima javne rasprave koji će Ustavnopravna komisija podnijeti Domu.”

Cilj održavanja javne rasprave je da omogući sveobuhvatnu razmjenu mišljenja između članova Parlamentarne skupštine BiH, predstavnika Vijeća ministara BiH, pravosudnih institucija, stručne javnosti i organizacija civilnog društva o predloženim zakonskim rješenjima. Rezultati javne rasprave trebaju doprinijeti donošenju kvalitetnih i održivih zakonskih rješenja usklađenih s ustavnim poretком i evropskim standardima.

Prikupljeni stavovi bit će objedinjeni u izvještaju koji će Ustavnopravna komisija dostaviti Predstavničkom domu Parlamentarne skupštine BiH i razmotreni u daljnjem zakonodavnom postupku.

Pozivamo sve zainteresirane da svojim učešćem doprinesu izradi što kvalitetnijeg Prijedloga zakona.

Potvrdu učešća u javnoj raspravi, te komentare i primjedbe na tekst Prijedloga zakona možete dostaviti prije održavanja javne rasprave na e-mail adresu navedenu u pozivu. Prijedlog zakona kao i obrazac za učešće možete preuzeti na veb-stranici www.parlament.ba (javne rasprave).

Popunjen obrazac za učešće u javnoj raspravi potrebno je poslati Uredu sekretara Ustavnopravne komisije, na e-mail adresu: upkpd@parlament.ba radi ulaska u zgradu Parlamentarne skupštine BiH i evidencije prisustva.

Unaprijed se zahvaljujemo na učešću i saradnji,

PREDSJEDAVAJUĆI
USTAVNOPRAVNE KOMISIJE
Prof. dr. sc. Albin Muslić

Dostaviti:

- predlagačima zakona
- poslanicima i delegatima u Parlamentarnoj skupštini BiH
- Vijeću ministara BiH - Ministarstvu pravde BiH
- Ministarstvu pravde Federacije BiH
- Ministarstvu pravde Republike Srpske
- Visokom sudskom i tužilačkom vijeću BiH
- Sudu BiH
- Tužilaštvu BiH
- Pravosudnoj komisiji Brčko Distrikta BiH
- Udruženju sudija u Federaciji Bosne i Hercegovine
- Udruženju tužilaca u Federaciji Bosne i Hercegovine
- Udruženju sudija Republike Srpske
- Udruženju tužilaca Republike Srpske
- Udruženju sudija u Bosni i Hercegovini
- Advokatskoj komori Federacije BiH
- Advokatskoj komori Republike Srpske
- Pravnom fakultetu Univerziteta u Sarajevu
- Pravnom fakultetu Univerziteta I. Sarajevo
- Pravnom fakultetu Univerziteta u Banjoj Luci
- Pravnom fakultetu Univerziteta u Tuzli
- Pravnom fakultetu Univerziteta u Bihaću
- Pravnom fakultetu Univerziteta u Zenici
- Pravnom fakultetu Sveučilišta u Mostaru
- Pravnom fakultetu Univerziteta Dž. Bijedić u Mostaru
- Sektoru za odnose s javnošću Sekretarijata PSBiH